




Republic of the Philippines
Department of Education
Region II – Cagayan Valley
Schools Division of Nueva Vizcaya



31 Hulyo 2025

PANDIBISYONG MEMORANDUM

Blg. 359, s. 2025

PAGDIRIWANG NG BUWAN NG WIKANG PAMBANSA 2025

Sa Mga: Hepe, Kurikulum
Tagamasid Pansangay / Pampurok
Pampublikong Punong-guro ng Paaralang Elementarya at Sekundarya
Ulong-guro/ Dalubguro/Susing-guro/ Guro ng Elementarya at
Sekundarya

1. Ang Kagawaran ng Edukasyon Sangay ng Nueva Vizcaya, sa pamamagitan ng Sangay sa Pamamahala ng Kurikulum at Pagkatuto, ay nakikiisa sa taunang pagdiriwang ng Buwan ng Wikang Pambansa 2025 na may temang "PAGLINANG SA FILIPINO AT KATUTUBONG WIKA: MAKASAYSAYAN SA PAGKAKAISA NG BANSA", alinsunod sa itinakdang Pampanguluhang Proklamasyon Bilang. 1041 s. 1997 at sa pangunguna ng Komisyon sa Wikang Filipino (KWF).

2. Layunin ng pagdiriwang ng Buwan ng Wika ang sumusunod:

- a. Ganap na maipatupad ang Pampanguluhang Proklamasyon Blg. 1041
- b. Maiangat ang kamalayan ng mga mámamayáng Pilipino ukol sa wika at kasaysayan nitó;
- c. Mahikayat ang iba't ibang ahensiyang pampámahalaán at pampribado na makiisá sa mga programang tulad nitó na nagpapataas ng kamalayang pangwika at sibiko;
- d. Maganyak ang mga mámamayáng Pilipino na pahalagahan ang mga wika ng Pilipinas sa pamamagitan ng aktibong pakikilahok sa mga gawain kaugnay ng Buwan ng Wikang Pambansa; at
- e. Maipakilala sa mga mámamayáng Pilipino ang KWF bilang ahensiya ng pámahalaán na nangangalaga sa mga wika ng Pilipinas sa pamamagitan ng mga programang pangwika nitó.

3. Samantala, narito ang sumusunod na Lingguhang Tema para sa buong buwan ng Agosto 2025:



Address: Quezon St., Don Domingo Maddela, Bayombong, Nueva Vizcaya, 3700

Cellphone No: • +63 962 681 4945 • +63 992 035 2123

Email Address: nuevavizcaya@deped.gov.ph

Website: <https://sdonuevavizcaya.com/>



Republic of the Philippines
Department of Education

Region II – Cagayan Valley
Schools Division of Nueva Vizcaya

Linggo	Petsa	Paksa
1	Agosto 1-7	Wikang Pangkasarian
2	Agosto 8-14	Gampanin ng Filipino Sign Language (FSL) sa Pagbabago ng Klima
3	Agosto 15-21	Pagtataguyod ng Literasi sa Wikang Filipino: Hakbang Tungo sa Maunlad na Buhay
4	Agosto 22-28	Wika ng Kasaysayan, Kasaysayan ng Wika: Pagkakaisa sa Pagkakaiba
5	Agosto 29-31	Filipino at Wikang Katutubo: Wika ng Malayang Pamamahayag

4. Hinihikayat na ang lahat ng tanggapan at paaralan ng Kagawaran ng Edukasyon Sangay ng Nueva Vizcaya ay makibahagi sa pagdiriwang sa pamamagitan ng paggamit ng wikang Filipino sa mga ugnayang pulong, programa, at iba pang opisyal na gawain sa buong buwan ng Agosto. Kabilang din sa mga mungkahing aktibidad ang pagpapakinig ng mga awiting bayan at pagsasagawa ng mga gawaing pangwika at pangkultura gaya ng talakayang pampanitikan, paligsahan sa pagsulat at pagbigkas, at iba pang kaugnay na aktibidad na nagpapalalim ng pagpapahalaga sa ating wika at kultura.

5. Inaasahan din na ang bawat tanggapan at paaralan ay magkakaroon ng gawaing naaayon lamang sa kanilang preperensya at lokal na konteksto. Hindi pinahihintulutan ang magarbang paggastos, paniningil sa mga mag-aaral, o pag-aabono ng mga guro para sa mga aktibidad na may kaugnayan sa selebrasyon.

6. Hinihikayat din ang lahat ng tanggapan at paaralan na iulat at idokumento ang kanilang mga gawain at ibahagi ito sa opisyal na platform ng kanilang paaralan gamit ang hashtags: #BuwanNgWika2025 #FilipinoSaNuevaVizcaya.

7. Hinihiling ang maagap at malawakang pagpapalaganap ng Memorandum na ito.

ORLANDO E. MANUEL PhD, CESO V
Tagapamanihala ng mga Paaralan



Address: Quezon St., Don Domingo Maddela, Bayombong, Nueva Vizcaya, 3700

Cellphone No: • +63 962 681 4945 • +63 992 035 2123

Email Address: nuevavizcaya@deped.gov.ph

Website: <https://sdonuevavizcaya.com/>